

نور كى بوردى

نور كى ادبىياتى مركزى ھېيئىتى طرفىدىن نەشر اولغۇر.

جلد ۳

مايس - حىراىان ۱۹۲۶

نومرو ۱۸

فكرده حيات

تورك اوجاقلرى « قورولتاي » نامى ويرديكمز سنه لك قونقره سنه دون نهايت وردى . دها اون بش سنه اول ، بايزيده ، اخشاب و خراب بر عثمانلى قوناغده ، بر قاچ فكر آدمى ايله كوچك بر طبله زمردسى طوپلايه بيلن بومؤسه ، شيمدى ادرنه دن ارضرومه قدر وطنك هر كوشه سنده تشكىلات صاحيدر . ايمپراطورلق و اتحاد عناصر سياستك افلاسندن صوكره ، مى وحدت و مى وطن دعوا سنك بو قدر قولاي مظفر اولسنه تعجب ايتمه مليدر . تورك اوجاغى قورولدينى وقت « تورك » كلمه سى وحشى و ابتدائى انسان اوصافك مدلولى ايدى ؛ بوكون ايسه « عثمانلى » كلمه سى ، بزم اوزر مزده ، عادتاً قبل التاريخ ياشامش و منقرض اولمش بر جنسك اسمى كې بر تاثير براقيور . متار كده عثمانلى ايمپراطورلغك صوك معارف ناظر لرندن روم بك اوغلى قرائت كتابلارندن « تورك » كلمه سنك طى ايدلسنى امر ايتميدر . بو حادثه نك دها اوج بش سنه اول وقوع بولديغنه شيمدى كيم اينانه بيلير ؟ عجباً مليت پره نسيپلارى ، تورك اوجاقلرينك توسع ايتديكى قدر ، مملكته نه بيلمشمى در ؟ بو سؤاله مثبت جواب ويرمك ، توركچيلك و تورك اوجاقلرينك آرتق هيچ بر وظيفه سى قالماسا ديغنه حكم ايتك ديمكدر . بويله بر ادعا يي آنجق عوام قريبلره ياقيشد پره بيلير ؟

مليتپرور تورك ديمك ؛ غربلى تورك ديمكدر . تورك اوجاغى سنه لرجه بو فكرى تلقين ايتمكه اوغراشدى . تورك جمهوريتى ، عثمانلى ايمپراطورلغى مؤسسائى و قانونلارنى بواساسه كوره تصفيه ويكيدن تنظيم ايتدى . فقط بوتلقينات و قانونلر ، توركيه توركلرينك جمعيت حياتى آنجق صارصممشدر ؛ هنوز دكيشد پره ممشدر . حيات بالخاصه اناطوليناك هر طرفنده اسكى حيات منظره سنده در . آوروپالى

جمعیت اولمغه طرفدار اولمق ، مدنی نکاحله اولمک مدنی برعائله اولمق دکلدر .
عائله لرمزده ، معیشت و حیات طرز مزده اسکی اعتیادلر و باطل عنعنلر هنوز
بوتون قوتیله حکمراندر . قادین وار کیمک آیری آیری یاشادیغی بر جمعیت بزم
نظاریاتمزی نه قدر قبول ایتیش کورونسده ، مدنی نلقی اولونه ماز . صوفیه و زوییه ،
یعنی تورکچیلکک ایکی دشمنی واقعا بو کون صوصیور ؛ فقط صوفیه و زوییه ذهنیق
وتلقیلری ، تورک جمعیتی ایچنده بردوامدر . استانبولک ایکی تپه سنده ، شیشلی
و فاتحده انموذجلرینی کوردیکمز بویکی حیات ، بری نه قادار غریبی و دیگری
نه قادار محلی ظواهری کوسترسده ، ایکیمسی ده تورکچیلکک پرنسیپلرینک طبان طبان
ضدیدر و تورکچیلکک کاه برینه ، کاه دیگرینه هجومی ، هیچ ایسته مه دیکمز اختلاطلر
یابیور .

ایشته تورک اوجاقلرینک یکی وظیفه سی ، فکری ، حیاته نقل ایتک و سیندیر .
مکدر . غزته و مجموعه لرده سویل دیکمز فکرلردن اک اهمیت سزینی ، بونوک ازدحاملر
آره سنده تطبیقه قالدیشمقده کی مشکلاتی ، ملیتپرورلر هر کون آجی آجی نجره
ایتمکده درلر . ملیتپرورلر ده اوزون مدت ازدحاملر آره سنده فدائی و فراغت
صاحبی رهبر و مرشدلر وضعیتمده قالا جقاردر . حیاتی یا بقی ، نظریه یی بولمقدن ،
حتی قبول ایتدیرمکدن ده اوجوق زوردر . تورک قادیغی ، جمعیت آره سنده اسکی
موقعی مع التأسف چوق دیکشدرمه مشدر . بزم ایسته دیکمز تورک قادیغی نه آناتولی
قصبه لرندده پشمالله قاپانان متعصب زوجیه ، نه ده داها سر بست شهرلرده سینه مارلردن
آلا فرانسه لقی او لره ن آچیق قادیندر . برینه قارشى مدنیت و دیگرینه قارشى اخلاق
مجادله سی یا پارقی ، انتقال دورینی ممکن اولدیغی قدر آاز ضررله آتلاتمغه چالیش جق .
بونى کیم یا پارقی ؟ تورکچیلکک دعواسنک کتله لر آره سنده کی مرشدلری ، اوجاق
اعضالریدر . بواعضالر حیاتده ، لسانده ، موسقیده ، فکر و ذوقده پرنسیپلرمزی
صداقتله و بلا فتور ، قناعتلرینک ایلك نمونه لرینی کندیلرندده ، کندى عائله و جمعیت
حیاتلرندده کوستره رک و بو سببله اوجرایه جقلى بتون تشیعالری جسورانه قبول
ایدرك ، آاز زمانده تکمیل غلبه لغه سرایت ایتدیرمکله مکلفدرلر .

واسع اوجاقلر تشكىلاتنده برچوق قصورلر كوروب كوسترملك كوچ دكلدر .
 بونلرى مركزى هيئتلك صيقى ومساحه سز برتقيش قولايجه تصحيح ايده بيلير .
 بوهيئتلك اصل چتين ايشى ، اوجاقلرك يكي وظيفه سنى بتون اعضالرينه آكلاته -
 بيلمه سنده وتطبيق ايتديره بيلمه سنده در .

تورك اوجاقلرى فكرلرى دوزه لتديلر ؛ شيمدى حياتى دوزه لته جكلردر .
 سكوت ايدن اعتياد ، سويله ين ومناقشه ايدن فكر قدر سهولت وسرعتله مغلوب
 ايديله مز . وظيفه مزك مشكلاتى اولدن قبول ايتمك ، حقيقى شيمديدن اولديغى
 كې كورمك ، عزم واراده مزى هر كون او كمزه چيقاجغى محقق اولان عارضه لرله
 صارصيلمقدن صيانت ايدر .

فالح رفقى